

REGLUGERÐ

um gatnagerðargjöld á Kirkjubæjarklaustri, Vestur-Skaftafellssýslu.

1. gr.

Hreppsnefnd er heimilt að leggja gatnagerðargjöld á lóðir á Kirkjubæjarklaustri eftir því sem nánar segir í reglugerð þessari. Heimilt er að leggja gatnagerðargjald á landi, sem sambærilegt telst, þótt ekki sé sérstök lóð.

2. gr.

Gatnagerðargjald A er gjald vegna þátttöku lóðarhafa í kostnaði við undirbyggingu götu.

3. gr.

Nú ákveður hreppsnefnd að leggja á gatnagerðargjald vegna nýbyggingar vega og skal þá miða gjaldið við ákveðinn hundradshluta af byggingarkostnaði á rúmmetra eins og hann er talinn af Hagstofu Íslands, svo sem hér segir:

Einbýlis- og tvíbýlishús	1.5%
Tveggja hæða raðhús	0.8%
Raðhús á einni hæð	1.0%
Fjölbýlishús	0.5%
Verslunar- og skrifstofubyggingar	1.5%
Opinberar byggingar	1.5%
Iðnaðarhús, vöruskemmur og annað atvinnuhúsnaði	0.5%
Bílskúrar	1.5%
Önnur hús	0.5%

Auk þessa gjalds skal lóðarhafi greiða 140 kr. af hverjum fermetra lóðar. Gjald skal miða við stærð húss skv. uppdrætti. Sé samþykktur uppdráttur ekki fyrir hendi skal miða við þá stærð húss, sem skipulag gerir ráð fyrir, en sé slíkt ekki ákveðið í skipulagi skal miða við eftirtaldir lágmarksstærðir:

Einbýlishús með tilheyrandi bílageymslu	500 m ³
Raðhús, tvíbýlishús, sambyggð einbýlishús hver íbúð	400 m ³
Fjölbýlishús	300 m ³

Í atvinnuhúsnaði skal útreikningur rúmmáls til gatnagerðargjalds miðaður við lofthæð 3.3 m að innanmáli, nema uppdráttur sýni annað. Framangreindar reglur gilda, ef hús er stækkað, að því er til stækkunar tekur.

4. gr.

Gjöld samkvæmt 3. grein breytast ársfjórðungslega samkvæmt vísitölu byggingarkostnaðar.

5. gr.

Hreppsnefnd er heimilt að lækka gjaldstuðla samkvæmt 3. grein, hvern fyrir sig eða alla í einu um allt að 50% án frekari staðfestingar ráðuneytisins.

6. gr.

Full greiðsla gatnagerðargjalds A skal fara fram þegar hreppsnefnd veitir byggingarleyfi nema sérstakur samningur hafi verið gerður um annað.

7. gr.

Byggingarfrestur er 12 mánuðir, þ. e. a. s., að lóð fellur aftur til landeiganda sem skal leigja hana öðrum hafi framkvæmdir ekki verið hafnar innan þess tíma frá veitingu hennar.

Noti lóðarhafi ekki veitta lóð, skal hann eiga rétt á endurgreiðslu á greiddu gatnagerðargjaldi, svo sem hér segir: Eftir 6 mánuði endurgreiðast 50% og eftirstöðvar eftir 12 mánuði. Verði lóð veitt að nýju innan þess tíma, skal fyrri lóðarhafi fá gatnagerðargjaldið endurgreitt, þegar greiðsla samkvæmt þeirri úthlutun fer fram.

8. gr.

Gatnagerðargjald B er gjald vegna þátttöku húseiganda og lóðarhafa í að leggja bundið slitlag á götur og til lagningar gangstétta. Gjaldið skal nema, sbr. 5. gr. laga nr. 50/1974, ákveðnum hundradshluta byggingarkostnaðar á rúmmetra eins og hann er talinn af Hagstofu Íslands, svo sem hér segir:

Einbýlis- og tvíbýlishús	4.0%
Tveggja hæða raðhús	3.0%
Raðhús á einni hæð	3.0%
Fjölbýlishús	2.0%
Verslunar- og skrifstofuhús	4.0%
Opinberar byggingar	4.0%
Iðnaðarhús, vörugeymslur og annað atvinnuhúsnæði	2.5%
Bilskúrar	4.0%
Önnur hús	2.5%

Auk þessa gjalds skulu lóðarhafar greiða í gatnagerðargjald B 140 kr. af hverjum fermetra lóðar.

Gjald af íbúðarhúsnæði skal þó aldrei vera lægra en gjald miðað við 300 m³ hús. Framangreindar reglur gilda, ef hús er stækkað, að því er til stækkunar tekur. Samanlögð gatnagerðargjöld B mega þó aldrei nema hærri fjárhæð en nemur kostnaði við að leggja bundið slitlag og gangstéttir á hlutaðeigandi götu sbr. 4. gr. laga nr. 51/1974.

9. gr.

Upphæð gatnagerðargjalda samkvæmt 8. gr. skal miðast við þá vísitölu, sem gildir þegar lagning varanlegs slitlags fer fram. Nú breytist vísitala meðan verk fer fram og skal þá miðað við meðalvísitölu á því tímabili, sem um er að ræða.

10. gr.

Hreppsnefnd er heimilt að víkja frá gjalddögum á B gjaldi samkvæmt 8. gr. í eftirfarandi tilfellum:

- Þegar greiða skal á sama tíma bæði A og B gjald.
- Þegar í hlut eiga efnalitlir elli- eða örorkulífeyrisþegar.

11. gr.

Hreppsnefnd er heimilt að lækka gjaldstuðla samkvæmt 8. gr. hvern fyrir sig eða alla í einu um allt að 50% án frekari staðfestingar ráðuneytisins.

12. gr.

Gatnagerðargjald samkvæmt 8. gr. (gatnagerðargjald B) greiðist þannig, að 20% greiðist þegar framkvæmdir við götu hefjast, 20% þegar lagningu bundins slitlags er lokið og eftirstöðvar, 60%, með jöfnum árlegum afborgunum á næstu 3 árum.

Gjalddaga afborgana og vaxta, svo og vaxtaprósentu ákveður hreppsnefnd hverju sinni.

13. gr.

Gjöld samkvæmt 3. og 8. gr. breytast í samræmi við breytingar á vísitölu byggingarkostnaðar. Grunntölur þær, sem nefndar eru í 3. og 8. gr. miðast við þá vísitölu byggingarkostnaðar, sem gilti 1. júní 1980.

14. gr.

Gatnagerðargjaldi fylgir lögveð í fasteign þeirri, sem lagt er á, og gengur það ásamt vöxtum fyrir öllum veðkröfum, sem á eigninni hvíla og tekur það einnig til vátryggingarfjár eignarinnar.

Heimilt er að taka gjöld samkvæmt reglugerð þessari lögtaki samkvæmt lögum nr. 29/1885.

Reglugerð þessi sem samin er og samþykkt af hreppsnefnd Kirkjubæjarhrepps Vestur-Skaftafellssýslu staðfestist hér með samkvæmt lögum nr. 51/1974 um gatnagerðargjöld til þess að öðlast gildi þegar í stað.

Félagsmálaráðuneytið, 11. júlí 1980.

F. h. r.

Hallgrímur Dalberg.

Hólmfríður Snæbjörnsdóttir.

AUGLÝSING

um breyting á auglýsingu nr. 267 4. júní 1980 um sérstaka tollmeðferð vegna viðskiptasamnings EFTA-landanna og Spánar.

1. gr.

9. gr. auglýsingarinnar orðist svo:

Upprunavörur í skilningi viðauka III geta við innflutning notið friðinda samkvæmt samningi EFTA-landanna og Spánar gegn framvísun annars tveggja neðangreindra skjala, enda hafi áletrunin „EFTA-SPAIN-TRADE“ verið prentuð með útlinum upphafsstafa á ská yfir skjalið:

- a) EUR. 1 flutningsskirteinis, hér eftir kallað EUR. 1 skirteini,
- b) EUR. 2 eyðublaðs fyrir sendingar sem í eru eingöngu upprunavörur, enda sé verðmæti hvernar sendingar ekki yfir 2400 reikningseiningar.

Þrátt fyrir ákvæði 1. mgr. geta neðangreindar upprunavörur í skilningi viðauka III notið friðinda samkvæmt samningi EFTA-landanna og Spánar án þess að framvísað sé öðru hvoru þeirra skjala sem þar um ræðir:

- a) Vörur sem sendar eru sem smábögglar til einkaaðila, enda sé verðmæti varanna ekki yfir 165 reikningseiningar,
- b) vörur sem eru í einkafarangri ferðamanna, enda sé verðmæti varanna ekki yfir 480 reikningseiningar.

Ákvæðum þessarar málsgreinar verður aðeins beitt þegar innflutningur slíkra vara er ekki viðskiptalegs eðlis og því hafi verið lýst yfir að vörurnar fullnægi settum skilyrðum um uppruna samkvæmt ákvæðum þar að lútandi og enginn efi er á því að slík yfirlýsing sé sönn. Innflutningur sem bundinn er við einstakt tilvik og aðeins er samsettur úr hlutum til persónulegra nota viðtakenda eða ferðamanna eða fjölskyldna þeirra skal ekki talinn innflutningur viðskiptalegs eðlis, ef ljóst er af eðli og magni varanna að viðskiptatilgangur búi ekki að baki. Ákvæði þessarar málsgreinar ná ekki til varnings, sem keyptur er samkvæmt pöntunarlistum vöruhúsa og þau senda.

Reikningseining (RE) jafngildir 0.88867088 g af hreinu gulli. Ráðuneytið setur nánari fyrirmæli um verðmætismörk í íslenskum krónum samkvæmt þessari grein.